



Prifysgol Abertawe
Swansea University

PRIFYSGOL ABERTAWE

Prif Swyddog Ariannol
Medi 2025



PRIFYSGOL ABERTAWE

Ar Frig y Don ers 1920



Yr Abaty

Mae'r Abaty yn parhau i fod wrth wraidd y campws, sydd wedi parhau i ddatblygu ac sydd wedi bod yn gartref i'n Prifysgol ers bron can mlynedd

Mae Prifysgol Abertawe yn brifysgol a arweinir gan ymchwil sy'n ffynnu ar archwilio a darganfod. Rydym yn arloesol o ran ein hymagwedd at addysgu a phrofiad y myfyrwyr, ac yn falch o'n cymuned gydweithredol o staff.

Mae ein campysau glan môr trawiadol, gyda chyfleusterau o'r radd flaenaf, yn ein gwneud ni'n lleoliad dymunol ar gyfer myfyrwyr a staff o bedwar ban byd, ac mae ein cymuned amlddiwylliannol yn cynnig safbwynt byd-eang, gan alluogi'r rhai hynny sy'n ymuno â ni i ddatblygu'r sgiliau a'r wybodaeth a fydd yn eu rhoi ar ben ffordd tuag at yrfaoedd llwyddiannus a gwerthfawr.

Rydym wedi cyflawni lefel eithriadol o lwyddiant dros y blynyddoedd diweddar gyda'n gweithgarwch yn rhagori ar nifer o brifysgolion mwy, wrth fod yn wydn wrth addasu i'r dirwedd newidiol. Mae ein 23,000 o fyfyrwyr wrth wraidd yr hyn rydym yn ei wneud, ac nid yw'r llwyddiant hwn wedi cyfaddawdu ar yr awyrgylch cyfeillgar a hamddenol sy'n allweddol i'n profiad myfyrwyr ac mae bob amser wedi cael ei nodweddu fel "profiad Abertawe".

Rydym wrthi'n creu'r genhedlaeth nesaf o arweinwyr diwydiant ac academiaidd, gyda 95% o'n graddedigion mewn cyflogaeth, yn astudio a/neu'n ymgymryd â gweithgareddau eraill megis teithio o fewn 15 mis i adael Prifysgol Abertawe. (HESA 2025)





Rydym yn safle 29 yn y DU ac ar y brig yng Nghymru yn y Guardian University Guide 2026. Rydym yn safle 35 ar gyfer Rhagolygon Gyrfa yn y Complete University Guide 2026. Cadarnhawyd enw da cynyddol Prifysgol Abertawe'n rhyngwladol gan ein safle ymhlith y 300 o brifysgolion gorau yn Nhablau Prifysgolion y Byd QS - ein safle uchaf erioed yn y tabl hwn!

Ar ôl dathlu ein canmlwyddiant yn 2020, rydym yn ymfalchïo'n fawr yng nghyfraniad y Brifysgol at weddnewid Abertawe a'i gwneud yn ddinas ragoriaeth. Wrth i ni barhau â'n hetifeddiaeth yn yr 21 ain ganrif, rydym ym ymrwymedig i barhau'n sefydliad byd-eang sy'n mynd i'r afael â'r heriau mwyaf sy'n wynebu ein planed a'i phobl, a gwella bywydau drwy ddarparu addysgu sy'n llawn ysbrydoliaeth.

Mae Prifysgol Abertawe'n ymrwymedig i gydraddoldeb, amrywiaeth a chynwysoldeb - rydym yn gwerthfawrogi pobl am eu sgiliau heb ystyried eu cefndir. Rydym wedi bod yn aelod o Siarter Athena SWAN ers 2008, i gydnabod ein hymrwymiad i gydraddoldeb rhwng y rhywiau. Rydym yn ddeiliad Gwobr Sefydliadol Arian, sef y safon uchaf ar hyn o bryd a ddyrannwyd i brifysgol yn y DU, a ni oedd y brifysgol gyntaf yng Nghymru i gyflawni hyn. Rydym hefyd yn aelod balch o'r Siarter Cydraddoldeb Hiliol, ac yn un o'r 100 Cyflogwr Gorau ym Mynegai Cydraddoldeb yn y Gweithle Stonewall 2024.

AWARDS AND RECOGNITION

View the full list of [Awards here](#). View the full list of [Rankings and Ratings here](#).



GWEDDNEWID Y CAMPWS

Sefydlwyd Campws Singleton Prifysgol Abertawe ym 1920, pan osododd Brenin Siôr V garreg sylfaen seremonïol y Brifysgol yn Abaty Singleton. Wedi'i lleoli mewn parcdir ar lan môr Abertawe, hon oedd y brifysgol gyntaf a ddyluniwyd ar gynllun campws yn y Deyrnas Unedig. Mae'r Abaty yn parhau i fod wrth wraidd y campws, sydd wedi parhau i ddatblygu ac sydd wedi bod yn gartref i'n Prifysgol ers bron can mlynedd.

Yn fwy diweddar, sefydlwyd ein Campws y Bae; sef datblygiad ar lan y môr gwerth £450 miliwn, sydd wedi dyblu ein gallu ymchwil ac addysgu, ar ochr ddwyreiniol y ddinas. Yngghyd â gweddnewid parhaus Campws Parc Singleton, mae'r datblygiad hwn yn arwydd o'n bwriad i fod yn un o'r lleoedd gorau i fyw, addysgu, gwneud ymchwil a chydweithio yn Ewrop. Agorodd ein datblygiad diweddaraf, y Ganolfan Deunyddiau Lled-ddargludol Integreiddiol, yn 2023 ac mae'n hyb ar gyfer cysylltu ymchwil, arloesi a gweithgynhyrchu er mwyn hyrwyddo twf economaidd yn y rhanbarth.



Y Ffowndri Gyfrifiadol: cyfleuster gwerth £32.5m o'r radd flaenaf

"Enghraifft ddisglair o gydweithio arloesol rhwng ymchwilwyr a diwydiant, a fydd yn denu rhagor o gyllid ar gyfer ymchwil ac yn sefydlu Cymru fel canolfan cyfrifiadureg ac arloesi sy'n arwain y ffordd yn fyd-eang."

Prif Weinidog Cymru, 2018



Campws y Bae



Campws Singleton

EIN GWELEDIGAETH STRATEGOL

Rhan annatod o'n llwyddiant yw ein gallu i ddarparu addysgu ac ymchwil rhagorol, yn ogystal ag ansawdd bywyd o'r radd flaenaf i'n staff a'n myfyrwyr.



EIN GWELEDIGAETH

Rydym, a byddwn yn parhau'n Brifysgol egwyddorol, bwrpasol a gwydn sy'n cydbwysu addysgu rhagorol ag ymchwil ac arloesi sy'n arwain y ffordd yn fydd-eang mewn amgylchedd agored sy'n galluogi ein myfyrwyr a'n cydweithwyr i ragori. Mae cydweithredwyr ledled y byd yn ein gwerthfawrogi fel partner y gallant ymddiried ynddo, ond rydym hefyd yn hollol ymrwymedig i'n rhanbarth ac yn falch o fod yn Brifysgol ar gyfer Cymru.

Gweddwr crefft heb ei dawn / Technical skill is bereft without culture

Yn ein hanfod, rydym yn sefydliad egwyddorol, pwrpasol a gwydn sy'n nodweddiadol am werthoedd, diwylliant ac ymddygiadau arbennig sydd wrth wraidd ac yn tanategu'r pum piler strategol allweddol:

1. Ein Cenhadaeth Ddinesig:

Rydym yn falch o berthyn i Ddinas Abertawe a Dinas-ranbarth Bae Abertawe. Gyda champysau yn ardaloedd tri awdurdod lleol, rydym yn cydnabod mai prifysgol y rhanbarth yw ein Prifysgol ni.

2. Profiad ein Myfyrwyr:

Ein myfyrwyr yw calon ein Prifysgol a gallwn ymfalchio yn ein henw cryf cyson am ansawdd ein profiad i fyfyrwyr, cryfder ein gwasanaethau cymorth i fyfyrwyr a'n hymrwymiad i iechyd meddwl a lles myfyrwyr.

3. Ein Dysgu a'n Haddysgu:

Mae rhannu gwybodaeth er mwyn meithrin sgiliau meddwl yn annibynnol ac yn feiriadol yn elfen sylfaenol o'n diben. Mae'n galluogi ein myfyrwyr i fod yn gadarn yn wyneb heriau byd-eang ac i addasu i fyd gwaith newidiol. Rydym yn dathlu ein treftadaeth Gymraeg ac yn falch o fod yn rhan o genedl ddwyieitho.

4. Ein Hymchwil:

Mae ein hymchwil yn newid bywydau, yn ysgogi arloesi a thwf rhanbarthol ac mae'n cydweddu â Nodau Datblygu Cynaliadwy'r Cenhedloedd Unedig. Mae'n effeithio ar ein diwylliant, ein cymdeithas, ein hiechyd, ein lles, ein heconomi a'n planed.

5. Ein Mentergarwch:

Rydym yn brifysgol hynod gydweithredol ac entrepreneuriaidd. Cawsom ein sefydlu gan ddiwydiant, ar gyfer diwydiant, ac rydym yn parhau'n ffyddlon i uchelgeisiau ein sefydlwyr, drwy weithio gyda phartneriaid diwydiannol, masnachol ac yn y sector cyhoeddus er budd ein rhanbarth a'n cenedl.

Nodir pob un o'r meysydd hyn gan ein hymrwymiad i wneud gwahaniaeth, gweithredu â chyfrifoldeb cymdeithasol ac amgylcheddol, ymdrechu i gyflawni rhagoriaeth a chynnal meddylfryd byd-eang sydd yn ein galluogi i fod yn Brifysgol gymunedol â chyrhaeddiad ac enw rhyngwladol.

Gweler ein **Gweledigaeth Strategol a'n Pwrpas** llawn ar-lein.

RHAGORIAETH YMCHWIL

Mae Prifysgol Abertawe yn sefydliad angor â phwyslais mawr ar ymchwil, sy'n creu effaith economaidd, gymdeithasol, ddiwydiannol ac iechyd â chyrhaeddiad byd-eang. Rydym yn parhau i adeiladu ar ein treftadaeth gyfoethog o ddarganfyddiadau ac ymchwil ar sail gwybodaeth a'r ysbryd arloesol sydd wedi diffinio ein Prifysgol ers iddi gael ei sefydlu gan fydd diwydiant, ar gyfer byd diwydiant, ym 1920.

Rydym yn adnabyddus am gyd-greu a chyflwyno arloesiadau trawsnewidiol, ac yn meithrin cydweithrediadau uchelgeisiol â phartneriaid ym myd diwydiant, y sector cyhoeddus a'r trydydd sector. Mae ein cryfderau mewn ymchwil ac arloesi rhyngddisgyblaethol ar draws ein tair Cyfadran (Gwyddoniaeth a Pheirianneg, y Dyniaethau a'r Gwyddorau Cymdeithasol, a Meddygaeth, Iechyd a Gwyddor Bywyd) yn gwneud gwahaniaeth i fywydau a dyfodol pobl drwy ymchwil ac effaith rhagorol, dibynadwy a chyfrifol.

Cyflwynwyd gwaith y nifer uchaf erioed o ymchwilwyr (578) i'w asesu yn Fframwaith Rhagoriaeth Ymchwil (REF) 2021, sy'n gynydd o 56% ar y 370 a gyflwynwyd yn 2014. Rydym wedi tyfu ein canran gyffredinol o ymchwil sy'n rhagorol yn rhyngwladol ac sydd ar flaen y gad o 80% yn 2014 i 86% yn 2021, a barnwyd bod mwy na 90% o'n heffaith o'r radd flaenaf neu'n rhyngwladol ragorol o ran eiu chyrhaeddiad a'iu harwyddocâd.

Fel sefydliad Addysg Uwch ymchwil ddwys yng Nghymru, rydym yn cyfrannu at "ddwy flaenoriaeth" Llywodraeth Cymru "o gyflwyno cyfiawnder cymdeithasol a chefnogi economi ffyniannus" a Deddf Llesiant Cenedlaethau'r Dyfodol (Cymru) (2015), gan gyfrannu at gynnydd o ran Nodau Datblygu Cynaliadwy'r Cenhedloedd Unedig.

**YMYSG Y
300 SAFLE**

GORAU YN NHABLAU
BYD-EANG QS 2026

91%

**O'N HYMCHWIL YN
'ARWAIN Y Ffordd
YN FYD-EANG' NEU'N
'RHAGOROL YN
RHYNGWLADOL'**

FFRAMWAITH RHAGORIAETH
YMCHWIL 2021

**CYFLWYNWYD
GWAITH**

578

**O YMCHWILWYR I'W
ASESU AR GYFER
REF 2021**

1090

**O YMCHWILWYR
ARLOESOL**



RHAGORIAETH ADDYSGU

Rydym yn sefydliad uchelgeisiol sy'n cynnig amgylchedd academaidd a chytbwys rhagorol sy'n galluogi myfyrwyr a staff i ragori.

Rydym yn falch o'r gwerth rydym yn ei ychwanegu at fywydau ein myfyrwyr, waeth beth fo'u pwyntiau tariff mynediad, drwy ein profiad y myfyrwyr cyfoethog ac ansawdd ein haddysgu. Mae ein Prifysgol yn un o sefydliadau addysg uwch blaenllaw'r DU am gynnydd dysgu, ac mae cyflogaeth graddedigion wrth wraidd ein darpariaeth. Gwelir hyn drwy safle 35 Abertawe yn y DU am ragolygon graddedigion (Complete University Guide 2026).

Mae staff yn Abertawe wedi ymrwmo i ddatblygu'n broffesiynol, gan gynnig dysgu llawn ysbrydoliaethedig a thrawsnewidiol, sydd ar flaen y gad o ran gweithgareddau addysgu. Mae ein cymuned academaidd yn cynnwys unigolion sydd wedi derbyn cydnabyddiaeth annibynnol am yr hyn a gyflawnwyd ganddynt,

megis; BMA Cymru Wales/BMJ Athro Clinigol y Flwyddyn; Enillydd gwobr Arloesi WISE; Achubwyr y Genedl – 100 unigolyn gorau; Cymrodoriaeth Addysgu Genedlaethol Advance HE; a llawer mwy.

Caiff ein cydweithwyr addysgu eu cgefnogiaeth gan Academi Dysgu ac Addysgu Abertawe (SALT), sy'n gartref i adnoddau a chymorth ar gyfer pob gweithgaredd i wella dysgu ac addysgu.

Mae gennym nifer o academiâu a gwasanaethau unigryw, sy'n manteisio ar ein henw da o ran ymchwil a phartneriaethau diwydiannol i gefnogi ein cynigion dysgu ac addysgu o'r radd flaenaf.

Mae ein Hacademi Iechyd a Lles, o'r radd flaenaf, yn cynnig cyfleoedd i fyfyrwyr weithio gydag ymarferwyr tra chymwys mewn amgylchedd proffesiynol, hamddenol a chyfeillgar. Mae'r academi yn cefnogi iechyd a lles pobl yn y rhanbarth lleol. Yn 2018, fe'i

cydnabuwyd am yr hyn y mae wedi ei gyflawni; gan ennill categori Effaith Gymdeithasol a Chymunedol yng Ngwobrau Prifysgolion y Guardian.

Mae Academi Cyflogadwyedd Abertawe (SEA), mewn partneriaeth ag Undeb y Myfyrwyr, yn cynnig cyllid ar gyfer digwyddiadau ymgysylltu â chyflogwyr a arweinir gan fyfyrwyr. Mae SEA yn galluogi myfyrwyr i gymryd yr awenau yn eu mentrau eu hunain, gan sicrhau bod dysgu a phrofiad yn digwydd ar yr un pryd a chan arwain at gyfleoedd gyrfa llwyddiannus i raddedigion.

Mae ein holl academiâu yn canolbwyntio ar gyfoethogi rhagoriaeth dysgu ac addysgu, â'r nod o fwyafu'r buddion nid yn unig ar gyfer ein myfyrwyr a'n cydweithwyr, ond ar gyfer y gymuned ehangach hefyd.

Yr Academi Iechyd a Llesiant

Cydweithrediad arloesol rhwng yr Ysgol Iechyd a Gofal Cymdeithasol ym Mhrifysgol Abertawe ac ARCH, i gyfuno arloesi, addysg, mentergarwch ac ymchwil o safon fyd-eang.



ARLOESI A MENTERGARWCH

Sefydlwyd Prifysgol Abertawe ym 1920 gan ddiwydiant ac ar gyfer diwydiant. Dros ganrif yn ddiweddarach, rydym yn parhau i fwynhau cysylltiadau o fri â phartneriaid masnachol a diwydiannol ar draws amrywiaeth o sectorau. Rydym yn arwain Cymru ym meysydd ymchwil hollbwysig i dwf economaidd a lles y boblogaeth, gan gynnwys yn y Gwyddorau Amgylcheddol, Meddygaeth a Pheirianneg.

Rydym yn ymrwymedig i hyrwyddo a chefnogi cydweithrediadau sy'n arwain at arloesi. Rydym yn ymfalchïo yn y mentrau arobryn sy'n deillio o'r Brifysgol, ac yn gweithio'n rhagweithiol gyda hi.

Ar hyn o bryd, mae gennym:

- Dros 40 o gwmnïau wedi'u cydleo'i ar ein campysau
- Dros 30 o fentrau deillio o Gampws y Bae, ers iddo agor yn 2015
- £94.8m mewn incwm ymchwil cydweithredol HEBCI – cynnydd o 7.5m ers 2021/2022

Rydym yn gwrandao ar anghenion busnes ac rydym wedi datblygu cydweithrediadau strategol effeithiol sy'n fuddiol i'r ddwy ochr, gan helpu i:

- Datrys heriau diwydiant a darganfod cyfleoedd newydd
- Darparu mynediad i ddoniau ar gyfer diwydiant a sgiliau y bydd galw mawr amdanynt yn y dyfodol
- Cynnig cyfleoedd masnachol megis cydleo'i canolfannau blaenllaw diwydiant.

I gydnabod pwysigrwydd y Brifysgol i Ddinas-ranbarth Bae Abertawe, ac ar y cyd â Chyngor Abertawe, rydym wedi addo i greu mwy o swyddi, gwella addysg a pharhau i hyrwyddo diwylliant o fentergarwch ac arloesedd. Mae gennym nifer o bartneriaethau arwyddocaol, hirdymor â diwydiant, gan amrywio o TATA a Rolls Royce i'r DVLA a SKY.


BARGEN DDINESIG

Mae prosiect Campysau Bargen Ddinesig Bae Abertawe gwerth £132m, a arweinir gan Brifysgol Abertawe mewn partneriaeth â Chyngor Abertawe, Bwrdd Iechyd Prifysgol Bae Abertawe, Bwrdd Iechyd Prifysgol Hywel Dda, Partneriaeth Cydweithrediad Rhanbarthol ar gyfer Iechyd (ARCH) a phartneriaid allweddol yn y sector preifat, wedi sicrhau £15m i ddatblygu safleoedd yn Nhreforys a Singleton. Bydd yn hyrwyddo arloesi a thwf busnes yn y sectorau technoleg feddygol a thechnoleg chwaraeon sy'n ehangu, a disgwylir iddo agor tua diwedd 2026.

Hefyd, mae de Cymru i adeiladu ar ei gryfder a'i arbenigedd mewn arloesi dur a metelau drwy lansio cyfleuster newydd gwerth £20 miliwn, SWITCH: South Wales Industrial Transition from Carbon Hub. Dan arweiniad Cyngor Castell-nedd Port Talbot ac mewn partneriaeth â Phrifysgol Abertawe, bydd ymchwilwyr academaidd, y llywodraeth a byd diwydiant yn cydweithio yn y cyfleuster newydd i ddarparu atebion arloesol ymarferol i ddatgarboneiddio'r sector dur a metelau a'r gadwyn gyflenwi.

CYFRIFON CYFLYMU EFFAITH (IAAS)

Gan adeiladu ar lwyddiant Cyfrif Cyflymu Effaith yr EPSRC dros y 10 mlynedd diwethaf, mae cyfrifon cyflymu effaith y Brifysgol wedi derbyn mwy na £2 filiwn i gefnogi portffolio o weithgareddau dros y pum mlynedd nesaf, gan ddechrau o 2022. Mae'r cyllid hwn yn cynnwys dyfarniad gan yr ESRC (y swm i'w gadarnhau), £450,000 gan Gyngor Ymchwil y Celfyddydau a'r Dyniaethau (AHRC), £450,000 gan y Cyngor Ymchwil Meddygol (MRC) a swm pellach gwerth £1,158,212 gan y Cyngor Ymchwil Peirianneg a'r Gwyddorau Ffisegol (EPSRC)



CADARNLE AR GYFER YR IAITH GYMRAEG A'I DIWYLLIANT

Mae Prifysgol Abertawe'n brifysgol ddwyieithog ac yn gadarnle ar gyfer yr iaith Gymraeg, ei threftadaeth a'i diwylliant.

O ddechreuadau diymhongar fel Coleg Prifysgol lleol dros ganrif yn ôl, heddiw rydym yn hyderus ac yn falch o fod yn Brifysgol i Gymru.

Rydym yn hyrwyddo ac yn dathlu ein treftadaeth Gymraeg a'n hunaniaeth, wrth gynnal ymagwedd ac uchelgais byd-eang sy'n ein galluogi i hyrwyddo Cymru i'r byd.

Rydym yn angor diwylliannol ac economaidd yn ein cymuned, ac mae gennym rôl ddynodedig i'w chwarae wrth ysgogi datblygiad rhanbarthol, gan gynnwys eirioli dros ddefnyddio'r Gymraeg. Rydym yn ymrwymedig i Safonau'r Gymraeg ac yn gwbl gynhwysol wrth groesawu myfyrwyr, cydweithwyr, partneriaid a'r cyhoedd i ddefnyddio'r Gymraeg ym mha ffordd bynnag y dymunant wrth ryngweithio â ni.



Y Gymraeg yw calon ein cymuned - yn gyfrwng dysgu, ymchwilio, cymdeithasu a dathlu.

The Welsh language is at the heart of our community - a medium to learn, research, socialise and celebrate.



SD, Geography



ACADEMI HYWEL TEIFI

Academi Hywel Teifi yw pwerdy'r Gymraeg yn ein Prifysgol; canolfan ragoriaeth ar gyfer astudio'r Gymraeg a'i llenyddiaeth, wrth hyrwyddo dysgu ac addysgu drwy gyfrwng y Gymraeg ar draws ystod o bynciau.

Fe'i sefydlwyd yn 2010 ac fe'i henwyd er cof am yr Athro Hywel Teifi Edwards, a fu'n Athro Gymraeg yn y Brifysgol ac yn academydd, yn hanesydd, yn ddarlledwr ac yn awdur blaenllaw yng Nghymru.

Er bod yr Academi'n gartref i dîm craidd o staff, mae hefyd yn gymuned i'r rhai hynny sy'n cynnig darpariaeth Gymraeg ac i'r miloedd o fyfyrwyr sy'n siarad Gymraeg ar y campws.

Mae'r ganolfan yn gweithio i sicrhau statws uwch i'r iaith ym mhob agwedd ar fywyd y Brifysgol ac yn ne-orllewin Cymru. Drwy weithgareddau amrywiol y mae'n eu cefnogi, mae'n cynyddu ac yn cyfoethogi'r ddarpariaeth ac ymchwil Gymraeg ym Mhrifysgol Abertawe ac yn annog cydweithio, entrepreneuriaeth a chyfleoedd. Ein nod yw sicrhau bod myfyrwyr Prifysgol Abertawe'n cael y profiad gorau o ddau fyd; profiad cyfrwng Gymraeg mewn prifysgol gyda chysylltiadau aml-ddiwylliannol a rhyngwladol.

MAE'R ACADEMI'N GARTREF I'R CANLYNOL;

Coleg Cymraeg Cenedlaethol - Cangen Prifysgol Abertawe:

Mae'n cynllunio ac yn cefnogi ein darpariaeth addysg uwch cyfrwng Gymraeg mewn ffordd strategol ar draws prifysgolion Cymru. Mae ganddo rôl allweddol wrth sicrhau cyfleoedd i astudio drwy gyfrwng y Gymraeg a'u datblygu ar gyfer dysgwyr, myfyrwyr a phrentisiaid.

Dysgu Cymraeg - Rhanbarth Bae Abertawe:

Yn cyflwyno cyrsiau a gweithgareddau iaith o safon ar ran y Ganolfan Genedlaethol ar gyfer Dysgu Cymraeg, i Ddinas Abertawe a Chyngor Castell-nedd Port Talbot.

Ty'r Gwrhyd:

Partneriaeth rhwng Academi Hywel Teifi a Chyngor Castell-nedd Port Talbot, (a dderbyniodd grant gan Lywodraeth Cymru gwerth £300,000) i greu canolfan gymunedol Gymraeg yng nghanol Cwm Tawe.



Llywodraeth Cymru
Welsh Government





TWF MYFYRWYR RHYNGWLADOL

Mae gan Brifysgol Abertawe gyrhaeddiad ac enw da byd-eang ac mae'n gweithio gyda phartneriaid rhyngwladol i gyflwyno ymchwil o'r radd flaenaf, cyfleoedd uwch ar gyfer dysgu ac addysgu, a chyfleoedd sy'n newid bywydau i fyfyrwyr.

Mae ein campysau'n fywiog ac yn amrywiol; ceir pobl o fwy na 100 o wledydd gwahanol sy'n rhan o'n cymuned gyfeillgar.

Mae'r Brifysgol wedi parhau i addasu a datblygu ein cyrhaeddiad yn y farchnad rhyngwladol. Mae Campws y Bae yn gartref i'r Coleg (sy'n cynnig rhaglenni llwyr i fyfyrwyr rhyngwladol), sydd wedi gweld mwy na 2,500 o fyfyrwyr yn symud ymlaen i'n Prifysgol - cyfradd ddilyniant o 90%.

Yn 2025, cyrhaeddodd Abertawe ei safle gorau erioed yn Nhablau Prifysgolion y Byd QS, gan gyrraedd y 300 o brifysgolion gorau yn fyd-eang am y tro cyntaf. Mae ein safle presennol sef 292 yn adlewyrchu'r gwelliant o 182 o safleoedd dros bedair blynedd.

Fel sefydliad Addysg Uwch ymchwil ddwys yng Nghymru, rydym yn cyfrannu at "ddwy flaenoriaeth" Llywodraeth Cymru "o gyflwyno cyfiawnder cymdeithasol a chefnogi economi ffyniannus" a Deddf Llesiant Cenedlaethau'r Dyfodol (Cymru) (2015), gan gyfrannu at gynnydd o ran Nodau Datblygu Cynaliadwy'r Cenhedloedd Unedig.



PARTNERIAETHAU STRATEGOL RHYNGWLADOL

Mae gennym nifer o Bartneriaethau Strategol Rhyngwladol (ISP) sy'n flaenllaw yn eu sectorau.

Mae'r Partneriaethau Strategol Rhyngwladol hyn yn unigryw oherwydd hyd a lled y cydweithio, sy'n cynnwys ymchwil, addysgu a symudedd ar draws ystod eang o feysydd pwnc.

Dros y blynyddoedd diweddar, gwelwyd cynnydd sylweddol yn nifer y myfyrwyr sy'n manteisio ar gyfleoedd byd-eang yr ydym yn falch o'u cynnig.

Mae ein Strategaeth Ryngwladol 2020 - 2050 yn canolbwyntio ar ein hymrwymiad i ryngwladoli cynhwysfawr, a nodir drwy weithredu, i gynnwys safbwyntiau rhyngwladol a chymharol drwy gydol gweithgareddau addysgu, ymchwil a chyfnewid gwybodaeth ein Prifysgol

Mae partneriaethau dwfn, sy'n cael eu cyd-greu gyda nifer fach o brifysgolion o safon dramor, yn elfen allweddol o'n huchelgeisiau strategol

CYDWEITHIO GYDA 127 O WLEDYDD YN FYD-EANG



Prifysgol Abertawe; cyrchfan byd-eang sy'n cynnig cyfleoedd byd-eang i fyfyrwyr, drwy ein prifysgolion partner.

PRIFYSGOL TRENT CANADA

Gradd Ddeuol rhwng Ysgol y Gyfraith Hillary Rodham Clinton yn Abertawe a Phrifysgol Trent, Ontario, sy'n galluogi myfyrwyr i gwblhau gradd yn y Celfyddydau a gradd tair blynedd yn y Gyfraith.



NAVITAS AWSTRALIA


Menter ar y cyd gwerth £45m rhwng Prifysgol Abertawe a Navitas, darparwr addysg fyd-eang mewn partneriaethau Prifysgol rhyngwladol, lansiwyd Y Coleg yn 2018. Mae'r fenter yn gwella cyrhaeddiad byd-eang y Brifysgol yn sylweddol, ei phroffil a'i henw da rhyngwladol, gan gynnig amrywiaeth o opsiynau llwybrau israddedig ac ôl-raddedig i fyfyrwyr o bedwar ban byd.

PARTNERIAETH STRATEGOL TECSAS

Mae ein Partneriaeth Strategol Tecsas yn hirsefydlog ac yn llwyddiannus, gan gynnwys wyth prifysgol a sefydliad meddygol blaenllaw:

- Prifysgol Texas yn Austin
(safle 50 yn Nhablau Prifysgolion y Byd THE 2025)
- Prifysgol A&M Texas
(safle 143 yn Nhablau Prifysgolion y Byd THE 2025)
- Prifysgol Rice
(safle 112 yn Nhablau Prifysgolion y Byd THE 2025)
- Prifysgol Houston
- Sefydliad Ymchwil Methodistaidd Houston
- Coleg Meddygaeth Baylor
- Canolfan Gwyddor Iechyd Prifysgol Texas yn Houston
- Cangen Feddygol Prifysgol Texas yn Galveston

Mae wedi arwain at 188 o gyfnwidiadau myfyrwyr mewn pum mlynedd, 167 o gyhoeddiadau ar y cyd, mwy na 12,000 o ddyfyniadau a chyllid gwerth bron \$300,000 ar gyfer ysgoloriaethau a chyllid er mwyn symud.



PARTNERIAETH STRATEGOL GRENOBLE



Caroline Bissardon
myfyriwr graddedig PhD cyntaf Grenoble-Abertawe, ac enillydd Gwobr Menywod mewn Gwyddoniaeth L'Oreal-UNESCO

Mae ein Partneriaeth Strategol gyda Grenoble, yn bartneriaeth arloesol amlddisgyblaethol rhwng y ddau sefydliad gydag Université Grenoble Alpes, yn safle gwyddonol mawr yn Ffrainc sydd â 59,000 o fyfyrwyr.

Mae UGA yn un o 9 prifysgol yn Ffrainc i gael y label IDEX ac yn cael ei chynabod yn ganolfan ragoriaeth ryngwladol gystadleuol mewn addysg uwch ac ymchwil wyddonol.

UCHAFBWYNTIAU:

- Partneriaeth gynaliadwy, hirsefydlog, a sefydlwyd yn 2012
- Cydweithio amlddisgyblaethol ar draws y sefydliad sy'n cynnwys Cynllun Strategol 5 mlynedd deinamig
- Strwythur Rheoli Cyffredin i nodi pynciau ymchwil a hyrwyddo mentrau ar y cyd
- Mae meysydd ffocws yn cynnwys Deallusrwydd Artiffisial, lled-ddargludyddion a microelectroneg
- Rhaglen reolaidd o ymweliadau â ffocws i gychwyn ac ehangu perthnasoedd
- Ymchwil ar y cyd (gan gynnwys ceisiadau am grantiau ar y cyd, rhwydweithiau academiaidd newydd, cynadledau ar y cyd, papurau cynhadledd a chyhoeddiadau a ysgrifennwyd ar y cyd)
- Derbyn myfyrwyr PhD ar y cyd yn flynyddol
- 2 raglen Meistr ar y cyd
- Cyfnwidiad Myfyrwyr a Staff
- Canolfan Grenoble-Abertawe ar gyfer Deallusrwydd ArtiffisialAI (GoSCAI) - canolfan ymchwil ar y cyd ar gyfer data ac Deallusrwydd Artiffisial AI sy'n canolbwyntio ar bobl

MANTEISION GWEITHIO YM MHRIFYSGOL ABERTAWE

Rydym yn cynnig amgylchedd gwaith croesawgar a chynhwysol, lle mae pobl yn cael eu gwerthfawrogi am eu sgiliau heb ystyried eu cefndir. Rydym ni’n falch o gael ein henwi fel un o’r cyflogwyr gorau ym Mynegai Cydraddoldeb blynyddol Stonewall.

Mae ein cydweithwyr yn rhan annatod o’n llwyddiant. Rydym yn ymrwymedig i hyrwyddo cydraddoldeb rhyw, amrywiaeth a chynhwysiant, gan greu amgylchedd sy’n galluogi unigolion i gyflawni eu potensial personol.

Mae ein dyfarniadau Athena SWAN hefyd yn cydnabod ein hymrwymiad i gydraddoldeb rhwng y rhywiau.

- Gyflogwr achrededig o ran y Cyflog Byw Gwirioneddol
- Aelod o Siarter Athena SWAN
- Aelod o Gyflogwyr dros Ofalwyr
- Aelod o’r Siarter Cydraddoldeb Hiliol
- Hyrwyddwr Amrywiaeth Stonewall
- Aelod o Siarter Troseddau Casineb Cymorth i Ddiodefwyr.

Cefnogir ein cydweithwyr addysgu gan Academi Dysgu ac Addysgu Abertawe (SALT), sy’n cynnig adnoddau a chymorth ar gyfer pob gweithgaredd i wella dysgu ac addysgu.

Mae tîm ymroddedig y Cyfnewid Ymchwil a Gwybodaeth yn gweithio ar y ddau gampws er mwyn cefnogi cylch bywyd cyfan syniadau ymchwil, o sicrhau grantiau i reoli prosiect, masnacheiddio ymchwil a datblygu syniadau busnes.

Caiff cydweithwyr fanteisio hefyd ar gyfleusterau o’r radd flaenaf ein Hacademi Iechyd a Lles, sy’n cynnig cyfleoedd i unigolion gael eu trin gan ymarferwyr cymwysedig iawn, mewn amgylchedd proffesiynol, cartrefol a chyfeillgar, gan hefyd ddarparu hyfforddiant i’n myfyrwyr.

Gwyddom fod gan bobl ymrwymadau y tu hwnt i’w swyddi, a dyna pam rydym yn darparu amgylchedd gweithio sy’n galluogi staff i gyflawni’r cydbwysedd iawn rhwng bywyd a gwaith. Rydym yn cynnig amrywiaeth o fuddion ychwanegol, oll wedi’u cefnogi gan ein hadran AD arobyn.

Gweler ein tudalennau.



**GWOBRWYON A
BUDDION STAFF**

**FY
MANTEISIONMY
ADVANTAGES
PORTH ARBEDION
AR-LEIN.**

**CYFLOGWR
DROS OFALWYR**

**GWASANAETHAU
DATBLYGU A
HYFFORDDIANT**

**GWASANAETHAU
LLES**

**UN O 100 O
GYFLOGWYR
GORAU
STONEWALL**

**YR ACADEMI
IECHYD A LLES**

**GWEITHIO’N
HYBLYG AC
MEWN MODD
SY’N YSTYRIOL
O DEULUOEDD**

**CANOLFAN
CHWARAEON**

**CYFLOGWR
CYFLOG BYW
GWIRIONEDDOL**

**SWELL: CYNLLUN
GWOBRAU
CYNALIADWYEDD
A LLES**

**BWRSARIAETHAU
STAFF**

**AELOD O
SIARTER ATHENA
SWAN**

**AELOD O’R
SIARTER
CYDRADDOLDEB
HILIOI**

**CYFLOG,
GRADDFEYDD
CYFLOG A’R
GYFLOGRES**

**CYMDEITHASAU
STAFF**

**CYNLLUN BEICIO
I’R GWAITH**

CYDRADDOLDEB, AMRYWIAETH A CHYNHWYSIANT

Ein pobl yw ein hased pwysicaf ac maent yn diffinio ein Prifysgol. Rydym yn sefydliad egwyddorol. Rydym yn deall bod ein hymddygiad beunyddiol yn bwysig; mae gennym ffydd yn ein gilydd, rydym yn ein cefnogi ein gilydd, rydym yn dathlu cyflawniadau ein gilydd ac yn dwyn ein gilydd i gyfrif. Rydym yn parchu ein cydweithwyr ac yn trin eraill fel byddem yn disgwyl iddynt ein trin ni, ac rydym yn gweithio fel un brifysgol, gan gydnabod bod pob cydweithiwr yn cyfrannu at ein llwyddiant. A byddwn yn hyrwyddo rhyddid llefaru. Ein nod yw darparu amgylchedd cefnogol sy'n rhydd o wahaniaethu annheg ac sy'n galluogi pobl i gyflawni eu potensial personol. Rydym yn ymrwymedig i hyrwyddo cydraddoldeb, amrywiaeth a chynhwysiant.

Mwy o wybodaeth: **Tudalennau gwe**
Cydraddoldeb, Amrywiaeth a Chynhwysiant.

PRIFYSGOL ABERTAWE



Y GYFADRAN MEDDYGAETH, IECHYD A GWYDDOR BYWYD



Y GYFADRAN GWYDDONIAETH A PHEIRIANNEG



DINAS ABERTAWE

Mae Abertawe'n ddinas arfordirol hardd a chosmopolitan sy'n cynnig ansawdd bywyd rhagorol. Dinas Cymru ar Lan y Môr a man geni Dylan Thomas, mae'n ddinas forwrol fywiog a chanddi boblogaeth o 250,000.

Yn sgîl y Cynllun Lleoedd Llewyrchus Llawn Addewid, denwyd buddsoddiad gwerth £10.2 miliwn i ganol y ddinas. Creodd y prosiect gannoedd o swyddi, yn ogystal ag ailddatblygu 58,000 o droedfeddi sgwâr o ofod masnachol. Bydd y ddinas yn parhau i ddatblygu'n gyflym yn sgîl rhagor o fuddsoddiadau a chyfleoedd modern.

Mae gan y ddinas gysylltiadau uniongyrchol â Llundain a Manceinion ac mae'n daith fer ar y trên o Gaerdydd.

A hithau'n 'Ddinas Hawliau Dynol' gyntaf Cymru ac yn Dinas Noddfa, mae'n ddinas ddathlu lewyrchus. Dros y blyneddau, mae wedi dod yn lle sy'n fwyfwy amrywiol a chynhwysol i fyw a gweithio ynddo. Mae'n elwa o bobl a diwylliannau o bedwar ban byd wrth wraidd canol y ddinas lle ceir gwahanol fwydydd, gwyliau, bywyd diwylliannol a chymunedol. Mae Abertawe'n cynnig llawer o leuoedd i'n cymuned ryngwladol deimlo'n gartrefol. Mae'n llwyddo i gynnig dechrau da i blant drwy ei sefydliadau addysgol yn ogystal â chyfleoedd hamdden. Mae'n annog pobl i ddysgu'n llwyddiannus, gan roi cyfleoedd i bawb elwa o le da i fyw a gweithio.

Tafliad carreg i ffordd yn unig, ceir pentref y Mwmbwls, a oedd yn gyrchfan gwyliau poblogaidd yn oes Fictoria. Mae'r pentref, sydd hefyd yn cael ei adnabod fel 'Porth Gŵyr, yn cynnig dewis gwych o atyniadau, gan gynnwys pier, siopau dillad traddodiadol, siopau crefftau a chaffis hufen iâ. Mae Penrhyn Gŵyr – a ddynodwyd yn Ardall o Harddwch Naturiol Eithriadol gyntaf Prydain – yn ymestyn i'r gorllewin o'r Mwmbwls, gan gynnig cyfres o dirweddau arfordirol a gwledig hyfryd. I'r dwyrain, mae 'Gwlad y Sgydau' yng Nghwm Afan a Chwm Nedd sy'n hafan i gerddwyr a beicwyr fel ei gilydd. Wrth deithio i'r gorllewin, byddwch yn cyrraedd yr unig barc cenedlaethol arfordirol yn Mhrydain.

Sir Benfro. Mae Abertawe yn elwa hefyd o fod yn agos at Barc Cenedlaethol Bannau Brycheiniog sy'n daith awr o hyd yn unig mewn cardd awr yn unig o daith o'r ddinas.



Y CYFLE

PRIF SWYDDOG ARIANNOL

Teitl y Swydd	Prif Swyddog Ariannol
Cyflog	Cystadleuol
Lleoliad	Parhaol
Location	Campws Singleton a Champws y Bae, gyda theithio cendlaethol a rhyngwladol yn ôl y galw

GWYBODAETH GEFNDIROL

Er mwyn cyflawni ei huchelgais cynaliadwy o fod ymysg y 30 o brifysgolion gorau, mae angen gweithlu gyda’r sgiliau amrywiol i sicrhau y gall gyflawni rhagoriaeth drwy systemau a phrosesau effeithlon ac effeithiol sy’n manteisio ar ddatblygiadau technolegol.

Mae rôl y Prif Swyddog Ariannol yn un o bwys strategol i’r Brifysgol ac mae’n hanfodol i gyflawni a chefnogi amcanion cyffredinol a chynlluniau strategol y Brifysgol. Gan adrodd i’r Is-ganghellor, bydd deiliad y swydd yn gyfrifol am roi arweinyddiaeth, cyfeiriad strategol, cyngor arbenigol ac arweiniad ar bob mater ariannol ar draws gwasanaethau gweithredol y Brifysgol, yn ogystal â rhoi mewnbwn helaeth i benderfyniadau strategol ynghylch buddsoddi. Mae’r rôl hefyd yn cwmpasu bod yn eiriolwr cryf dros Lywodraethu Corfforaethol, gan gysylltu â Phwyllgorau Llywodraethu ac aelodau Pwyllgor amrywiol yn ôl yr angen. Mae’r Prif Swyddog Ariannol yn aelod allweddol o Uwch-dîm Arweinyddiaeth y Brifysgol, gan roi arweinyddiaeth ariannol strategol i sicrhau y gall y Brifysgol ffynnu. Mae hyn yn cynnwys diogelu gwydnwch ariannol, cefnogi buddsoddiad mewn blaenoriaethau academiaidd, a galluogi’r Brifysgol i barhau i gyflawni ein cenhadaeth strategol.

PRIF DDIBEN Y SWYDD

1. Rhoi arweinyddiaeth ariannol strategol, gan sicrhau iechyd ariannol hirdymor y Brifysgol.
2. Cyflwyno cynllunio ariannol, cyllidebu ac adrodd effeithiol sy’n cefnogi amcanion strategol ac yn sicrhau gwydnwch mewn tirwedd ariannu sy’n newid.
3. Sicrhau bod gofynion llywodraethu, archwilio, rheoli risg, adrodd a chydymffurfiaeth yn cael eu bodloni yn unol â rheoliadau’r sector ac arfer gorau.
4. Galluogi’r Brifysgol i wneud y gorau o adnoddau, cyflawni gwerth am arian, a buddsoddi mewn blaenoriaethau strategol gan gynnwys rhagoriaeth academiaidd, datblygu cyfalaf, arloesedd digidol, a chynaliadwyedd.
5. Arwain y Gyfarwyddiaeth Gyllid, gan feithrin diwylliant o ragoriaeth broffesiynol, cydweithio a gwasanaeth.

DYLETSWYDDAU CYFFREDINOL

ARWEINYDDIAETH STRATEGOL

- Cyngori ar strategaeth a pherfformiad ariannol.
- Arwain datblygiad strategaethau ariannol hirdymor, gan sicrhau eu bod yn cyd-fynd â blaenoriaethau sefydliadol a fframweithiau ariannu allanol.
- Cefnogi prosiectau strategol, gan gynnwys buddsoddiadau cyfalaf mawr, partneriaethau a mentrau arloesi.
- Cefnogi datblygu'r Fframwaith Cynllunio Strategol a chynllun gweithredol ac ariannol blynyddol y Brifysgol.

CYNLLUNIO, RHEOLI A GWEITHREDIADAU ARIANNOL

- Goruchwylio pob agwedd ar weithrediadau ariannol gan gynnwys cyfrifyddu, rheoli'r trysorlys, cynllunio busnes, adrodd, caffael, pensiynau, cyflogres ac archwilio mewnol.
- Paratoi cynllun gweithredol blynyddol a rhagolygon ariannol y Brifysgol.
- Paratoi datganiadau ariannol cywir ac amserol a ffurflenni statudol eraill yn unol â gofynion Medr, y Comisiwn Elusennau, Tŷ'r Cwmnïau, Cyllid a Thollau Ei Fawrhydi (HMRC), a gofynion archwilio.
- Sicrhau bod rheolaethau mewnol cadarn, fframweithiau rheoli risg, a threfniadau llywodraethu ariannol ar waith.

Hyrwyddo effeithlonrwydd ac effeithiolrwydd wrth ddefnyddio adnoddau ar draws y Brifysgol.

LLYWODRAETHU A CHYDYMFFURFIAET

- Sicrhau cydymffurfiaeth â rheoliadau ariannol perthnasol, cyfraith elusennau, a fframweithiau atebolrwydd cyhoeddus.
- Cefnogi gwaith y Pwyllgor Archwilio, Sicrwydd a Risg, y Pwyllgor Cyllid a Strategaeth, a'r Corff Llywodraethu drwy roi cyngor, adroddiadau, dadansoddiadau a mewnwelediadau o safon.

YMGYSYLLTU Â RHANDEILIAID

- Meithrin perthnasoedd cryf â rhanddeiliaid mewnol ac allanol gan gynnwys uwch arweinwyr y Brifysgol, banciau, cyllidwyr, archwilwyr, asiantaethau'r llywodraeth, a sefydliadau partner.
- Cynrychioli'r Brifysgol mewn rhwydweithiau ariannol a sectoraidd yng Nghymru a'r Deyrnas Unedig ehangach.

ARWEINYDDIAETH Y GYFARWYDDIAETH GYLLID

- Rhoi cyfeiriad clir, cymhelliant a datblygiad proffesiynol i staff yn y gyfarwyddiaeth.
- Creu tîm perfformiad uchel, sy'n canolbwyntio ar wasanaeth sy'n partneru'n effeithiol â chydweithwyr gwasanaethau academaidd a phroffesiynol.
- Hyrwyddo cydraddoldeb, amrywiaeth, cynhwysiant a lles mewn arweinyddiaeth a rheolaeth.

MANYLEB PERSON

ARWEINYDDIAETH

1. Tystiolaeth o greu diwylliant sy'n cyflawni canlyniadau llwyddiannus drwy bobl, datblygu a herio timoedd i lwyddo ac ymfalchïo mewn darparu gwasanaethau ac atebion proffesiynol; 2.
2. Y gallu i alluogi timau i weithio gyda'i gilydd ar draws swyddogaethau i gyflawni canlyniadau llwyddiannus sy'n rhagori ar anghenion a disgwyliadau staff a myfyrwyr, a chreu amgylcheddau sy'n dangos cydraddoldeb, yn meithrin ymddiriedaeth, parch a her;
3. Tystiolaeth o greu amgylcheddau sy'n nodi, yn deall ac yn rhoi blaenoriaeth i gyflawni anghenion cydweithwyr, ac o ysgogi ac ysbrydoli timau i ddarparu gofal wedi'i bersonoli o'r safon uchaf;
4. Meddu ar allu arweinyddiaeth drawsnewidiol, gyda phrofiad profedig o arwain newid trawsnewidiol yn llwyddiannus
5. Hanes o lwyddiant blaenorol o arweinyddiaeth ariannol uwch mewn sefydliad cymhleth, aml-randdeiliaid.
6. Y gallu i feddwl yn strategol, gan gydbwyso anghenion gweithredol tymor byr â blaenoriaethau sefydliadol tymor hir.

CYMWYSTERAU A PHROFIAD:

7. Cymhwyster cyfrifyddiaeth proffesiynol (ACA, ACCA, CIMA, CIPFA neu gyfwerth) a thystiolaeth o ddatblygiad proffesiynol parhaus.
8. Profiad helaeth mewn rheolaeth ariannol, strategaeth a chynllunio ar lefel uwch.
9. Llwyddiant amlwg wrth arwain gweithrediadau ariannol, gan gynnwys rheoli cyllidebol, rheoli risg, y trysorlys a buddsoddi cyfalaf.
10. Profiad o weithredu'n llwyddiannus mewn amgylchedd cymhleth, gan reoli cyllidebau mawr a swyddogaethau amrywiol; Profiad yn y sector cyhoeddus, addysg uwch, neu elusennau mawr (dymunol ond nid yn hanfodol).
11. Profiad o weithio gyda byrddau, rheoleiddwyr, archwilwyr a chyrrff ariannu allanol.
12. Hanes blaenorol o gyflawni gwerth am arian, effeithlonrwydd, a dyrannu adnoddau'n effeithiol.
13. Profiad o nodi, gweithredu, monitro ac adrodd am fentrau cynaliadwyedd ariannol;
14. Tystiolaeth o sgiliau cryf o ran rheoli pobl, gan feithrin timau sy'n perfformio i safonau uchel ac sy'n canolbwyntio ar ganlyniadau;
15. Profiad o feithrin a chynnal perthnasoedd a rhwydweithiau allanol, a gwella enw'r sefydliad, gan arwain at gynydd mewn cyfleoedd masnachol;

GWYBODAETH A SGILIAU:


1. Sgiliau rhyngpersonol ardderchog a'r gallu i gyfleu gwybodaeth gymhleth i amrywiaeth o gynulleidfaoedd;
2. Gwybodaeth gynhwysfawr am egwyddorion rheoli ariannol, llywodraethu a gofynion archwilio.
3. Dealltwriaeth gynhwysfawr o ddatblygiadau presennol a rhai'r dyfodol yn y sector Addysg Uwch a'r ffactorau allweddol sy'n eu hysgogi;
4. Credadwyedd proffesiynol, uniondeb, cryfder cymeriad a'r gallu i ddylanwadu ar eraill yn y Brifysgol a'r tu allan iddi;
5. Craffter masnachol amlwg;
6. Gallu amlwg i gynllunio, datblygu a gweithredu ar newid diwylliannol;
7. Dealltwriaeth o fecanweithiau ariannu addysg uwch, amgylchedd polisi, a gofynion rheoleiddio yng Nghymru (dymunol)

YR IAITH GYMRAEG:

Lefel 1 – 'ychydig' (ni fydd angen i chi allu siarad Cymraeg i gyflwyno cais am y rôl hon)

e.e. ynganu geiriau Cymraeg, enwau lleoedd, enwau adrannau. Gallu ateb y ffôn yn y Gymraeg (bore da / prynhawn da). Gallu defnyddio/dysgu geiriau ac ymadroddion pob dydd sylfaenol iawn (diolch, os gwelwch yn dda, esgusodwch fi). Gallwch gyrraedd Lefel 1 drwy gwblhau cwrs hyfforddiant un awr. Am ragor o wybodaeth am Lefelau'r Iaith Gymraeg, gweler tudalen we'r Asesiad o Sgiliau Iaith Gymraeg, sydd ar gael **yma**.

STRWYTHUR SEFYDLIADOL YR UWCH-DÎM ARWEINYDDIAETH



Uwch Dim Arwain

Tim Arwain
Gwasanaethau
Proffesiynol

STRWYTHUR Y BRIFYSGOL

UWCH-DÎM ARWEINYDDIAETH

Y Gyfadrn Meddygaeth, Iechyd a Gwyddor Bywyd; Y Gyfadrn Gwyddoniaeth a Pheirianeg, ac fe'i harweinir gan Uwch-dîm Arweinyddiaeth sy'n cynnwys:

Yr Is-ganghellor

Y Cofrestrydd a'r Prif Swyddog Gweithredu

Dirprwy Is-ganghellor (Addysg)

Dirprwy Is-ganghellor (Rhyngwladol)

Dirprwy Is-ganghellor (Ymchwil ac Arloesi)

Dirprwy Is-ganghellor (Cyfadrn y Dyniaethau a'r Gwyddorau Cymdeithasol)

Dirprwy Is-ganghellor (Y Gyfadrn Meddygaeth, Iechyd a Gwyddor Bywyd)

Dirprwy Is-ganghellor (Y Gyfadrn Gwyddoniaeth a Pheirianeg)

Prif Swyddog Ariannol

Yr Athro Paul Boyle

Mrs Niamh Lamond

Yr Athro Deborah Youngs

Yr Athro Judith Lamie

Yr Athro Helen Griffiths

Yr Athro Ryan Murphy

Yr Athro Charlotte Rees

Yr Athro David Smith

Y rôl hon

GWASANAETHAU PROFFESIYNOL

Mae Cyfarwyddiaethau'r Gwasanaethau Proffesiynol yn cefnogi gwaith ein Prifysgol ac maen nhw'n gyfrifol am sicrhau gwasanaethau proffesiynol effeithlon ac effeithiol ar draws gweithgareddau ein Prifysgol:

Gwasanaethau Addysg

Ystadau a Rheoli Cyfleusterau

Adnoddau Dynol

Gwasanaethau Gwybodaeth a Systemau

Marchnata, Recriwtio a Rhyngwladol

Newid Strategol

Cynllunio, Perfformiad a Deallusrwydd

Cyfnewid Ymchwil a Gwybodaeth

Bywyd Myfyrwyr Uwchgaptlen

Swyddfa'r Is-ganghellor

Mr Adrian Novis

Dr Greg Ducie

Mrs Sian Cushion

Mr Paul Westmore

Dr Mark Skippen

Mr Andrew Jones

Miss Louisa Parry

Dr David Bembo

Major Gareth Hughes

Ms Louise Woollard



LLYWODRAETHU’R BRIFYSGOL

CYNGOR EIN PRIFYSGOL

Cyngor Prifysgol Abertawe yw’r corff llywodraethu sy’n gyfrifol am bennu cyfeiriad strategol y Brifysgol, yn ogystal â’i chyllid, ei heiddo, ei buddsoddiadau a’i busnes cyffredinol. Mae gan y Cyngor, sy’n ymgynnull bpedair gwaith y flwyddyn fel arfer, 17 o aelodau ar hyn o bryd y mae’r rhan fwyaf ohonynt yn aelodau llewyg nad ydynt yn uniongyrchol gysylltiedig â’n Prifysgol.

The current membership is as follows:

Dirprwy Ganghellor a Chadeirydd y Cyngor

Dirprwy Ganghellor

Trysorydd

Yr Is-ganghellor

Aelodau Lleyg wedi’u Cyfethol gan y Cyngor

Mr Goi Ashmore

Mrs Nan Williams

Ms Anne Tutt

Yr Athro Paul Boyle

Mr Laurence Carpanini

Yr Athro Edward David

Mr Huw Davies

Mrs Nataliya Manskova-Bains

Yr Athro Kathryn Monk

Mrs Marcia Sinfield

Yr Athro Keshav Singhal

Mr Richard Thomas

Yr Athro Michelle Lee

Dr Phatsimo Mabophiwa

Ms Carys Dukes

Ms Katie Wilkinson

Aelodau staff a benodwyd i’r Senedd

Gweithwyr Prifysgol Abertawe Yr Athro fel a bennir gan yr Ordinhadau

Llywydd Undeb y Myfyrwyr

Myfyriwr a benodwyd gan Undeb y Myfyrwyr

SENEDD EIN PRIFYSGOL

Senedd y Brifysgol yw uwch- gorff academiaidd y Brifysgol ac mae’n gyfrifol, yn unol â chymradwyaeth y Cyngor, am reoleiddio a goruchwyllo cyrsiau, dyfarniadau a chymwysterau a ddarperir gan y Brifysgol. Daw aelodau’r Senedd o staff academiaidd a myfyrwyr y sefydliad llys ein prifysgol.

LYS EIN PRIFYSGOL

Mae’r Llys, sy’n gorff sylweddol a chanddo dros 300 o aelodau, yn sefyll uwchlaw prif gyfundrefn benderfynu’r Brifysgol, gan gynrychioli rhanddeiliaid y Sefydliad. Daw’r rhan fwyaf o aelodau’r Llys o’r tu allan i’r Brifysgol, gan gynrychioli’r gymuned leol a chyrrff dynodedig eraill sydd â diddordeb yng ngwaith y Brifysgol.



CYNLLUNIAU UCHELGEISOL AMSER CYFFROUS I YMUNO Â PHRIFYSGOL ABERTAWE

Sefydlwyd ein Prifysgol yn 1920 gan ddiwydiant ar gyfer diwydiant. Bron can mlynedd yn ddiweddarach, rydym yn parhau i fwynhau cysylltiadau o fri â phartneriaid masnachol a diwydiannol ar draws amrywiaeth o sectorau. Rydym yn arwain Cymru ym meysydd ymchwil hollbwysig i dwf economaidd a lles y boblogaeth, gan gynnwys yn y Gwyddorau Amgylcheddol, Meddygaeth a Pheirianeg.

Ymunwch â ni wrth i ni symud ymlaen i'n hail ganrif ag egwyddor, diben a gwydnwch.



Mae Prifysgol Abertawe wedi penodi **Veredus**, asiantaeth chwilio gweithredol, i gynorthwyo gyda'r penodiad hwn (www.veredus.co.uk).

I wneud cais am y swydd hon, bydd angen i chi gyflwyno'r dogfennau canlynol erbyn **23:59 nos Sul, 12 Hydref 2025 fan bellaf**:

CV sy'n nodi hanes eich gyrfa, ynghyd â chyfrifoldebau a chyflawniadau allweddol.

Datganiad Cefnogol o ddim mwy na dwy dudalen maint A4 yn gryo gan amlygu eich cymhelliant, eich profiad a'ch sgiliau yn erbyn gofynion y rôl, gan gyfeirio at y meini prawf yn y fanyleb person.

Ffurflen Monitro Amrywiaeth a Ffurflen Gwybodaeth sy'n Cefnogi'r Ymgeisydd wedi'u cwblhau. Gellir lawrlwytho ffurflenni o dudalen swyddi Veredus.

Dylid cyflwyno ceisiadau drwy wefan www.veredus.co.uk, gan ddyfynnu cyfeirnod **864**.

Bydd pob cais yn derbyn ymateb awtomatig. Os na fyddwch yn cael cadarnhad derbyn wrth gyflwyno eich cais, e-bostiwc education@veredus.co.uk.

RHAGOR O WYBODAETH

Am drafodaeth gyfrinachol am y rôl, cysylltwch â'n hymgynghorwyr cynghori yn Veredus

James Griffin yn james.griffin2@veredus.co.uk
Veronika Dergal yn veronika.dergal@veredus.co.uk

AMSERLEN DDANGOSOL

Dyddiad cau: **23:59 nos Sul, 12 Hydref 2025**

Cyfweliadau Terfynol: **Yr wythnos sy'n dechrau 10 Tachwedd 2025**

Sylwer bod y dyddiadau hyn yn ddangosol ac y gallant newid.

Y Rheoliad Cyffredinol ar Ddiogelu Data (GDPR)

Yn Veredus, rydym yn cymryd gofal i ddiogelu preifatrwydd ein hymgeiswyr a'n cleientiaid. I ddarllen mwy am sut rydym yn casglu, storio a rhannu eich Data, darllenwch ein hysbysiad preifatrwydd. Gellir dod o hyd iddo yma:

www.veredus.co.uk/privacy-policy/



Prifysgol Abertawe
Swansea University